

平陽府志卷之二十四

隱逸

黜賢之學用世爲大其或勢未可乘時亦有托而逃要
其本指也至若獨善之士每多潔清自好如帝堯在
上且不能致巢許况濁世哉夫使士盡肥遯則亂誰與
易然其行卓義高實有皜然不同流俗者終南捷徑非
所云矣作隱逸志

陶唐

席老師

堯時賢人失其名時天下太和百姓無事老師
年八十餘擊壤於衢觀者曰大哉帝之德也老

師曰吾日出而作日入而息鑿井而飲耕田而食帝力何有於我哉堯聞而喜之尊爲老師 舊志襄陵人

巢父

堯時隱者也山居不營世利年老以樹爲巢寢其上故時人號曰巢父堯讓天下於巢父巢父曰君

之牧天下猶予之牧犢無用天下爲乃過清冷之水洗其耳曰吾向聞貪言污吾耳也堯以天下讓許由由以告巢父巢父曰汝何不隱汝形藏汝光若非吾友也擊其膺而下之由悵然不自得遂去終身不相見 舊志

襄陵

人

樊仲父

堯時人牽牛飲水見巢父洗耳乃驅牛還耻令其牛飲於下流

周

晉漁者

文公出田逐獸碭入大澤迷不知所出中有漁者導出之曰臣願有獻鴻鵠保河海之中厭而

欲移徙之小澤則必有九繒之憂鼃鼃保深淵厭而出之淺渚則必有維網釣射之憂今公逐獸碭入至此何

行之太遠也文公曰善哉謂從者記漁者名漁者曰公何以名爲公其尊天事地敬社稷周四國慈愛萬民薄賦斂輕租稅臣亦與焉公不敬社稷不周四國外失禮於諸侯內逆民心一國流亡漁者雖得厚賜不能保也遂辭不受曰公亟歸國臣亦反吾漁所

越者

英賢傳晉有高人越者隱伏於北唐因氏焉

田蘇

曲沃人晉悼公時賢人也韓宣子與之遊隱跡山林終身不仕

侯羸

晉侯緡之後也故以侯爲姓史記曰魏有隱士曰侯羸年七十家貧爲大梁夷門監者信陵公子聞

之往請欲厚遺之不肯受曰臣修身潔行數十年終不以監門困故而受公子財公子於是乃置酒大會賓客坐定公子從車騎虛左自迎夷門侯生侯生攝弊衣冠直上載公子上坐不讓欲以觀公子公子執轡愈恭侯生又謂公子曰臣有客在市屠中願枉車騎過之公子引車入市侯生下見其客朱亥睥睨故久立與其客語

微察公子公子顏色愈和當是時魏將相宗室賓客清
堂待公子舉酒市人皆觀公子執轡從騎皆竊罵侯生
侯生視公子色終不變乃謝客就車至家公子引侯生
坐上坐徧贊賓客賓客皆驚酒酣公子起爲壽侯生前
侯生因謂公子曰今日嬴之爲公子亦足矣嬴乃夷門
抱關者也而公子親枉車騎自迎嬴於衆人廣坐之中
不宜有所過今公子故過之然嬴欲就公子之名故久
立公子車騎市中過客以觀公子公子愈恭市人皆以
嬴爲小人而以公子爲長者能下士也於是罷酒侯生
遂爲上客侯生又謂公子曰臣所過屠者朱亥此子賢
者世莫能知故隱屠間耳公子往數請之朱亥故不復
謝公子怪之魏安釐王二十年秦昭王已破趙長平軍
又進兵圍邯鄲公子姊爲趙平原君夫人數遺魏王及
公子書請救於魏魏王使將軍晉鄙將十萬衆救趙秦
王使使者謂魏王曰吾攻趙旦暮且下而諸侯敢救者
已拔趙必移兵先擊之魏王恐使人止晉鄙留軍壁鄴
名爲救趙陰持兩端以觀望平原君使者冠蓋相屬於
魏讓魏公子公子患之數請魏王魏王畏秦終不聽公

子公子自度終不能得之於王計不獨生而令趙亡乃請賓客約車騎百餘乘欲以客往赴秦軍與趙俱死行過夷門見侯生具告所以欲死秦軍狀辭決而行侯生曰公子好勉之矣老臣不能從公子行數里心不快曰吾所以待侯生者備矣天下莫不聞今吾且死而侯生曾無一言送我我豈有所失哉復引車還問侯生侯生笑曰臣固知公子之還也公子喜士名聞天下今有亂無他端而欲赴秦軍譬若以肉投餒虎何功之有哉尙安事客公子再拜固問侯生乃屏人間語曰嬴聞晉鄙之兵符常在王卧內而如姬最幸出入王卧內力能竊之嬴聞如姬父爲人所殺欲求報其父仇莫能得公子使客斬其仇頭進如姬如姬之欲爲公子死無所辭顧未有路耳公子誠一開口請如姬如姬必許諾則得虎符奪晉鄙軍北救趙而西却秦此五霸之功也公子從其計請如姬如姬果盜晉鄙兵符與公子公子行侯生曰將在外主令有所不受以便國家公子卽合符而晉鄙不受公子兵而復請之事必危矣臣客屠者朱亥可與俱此人力士晉鄙聽大善不聽可使擊之於是公子

請朱亥朱亥笑曰臣乃市井鼓刀屠者而公子親數存之所以不報謝者以爲小禮無所用今公子有急此乃臣效命之秋也遂與公子俱公子過謝侯生侯生曰臣雖不能從請數公子行日以至晉鄙軍之日北向自剄以送公子公子遂行至鄴矯魏王令代晉鄙晉鄙果合符疑之欲無聽朱亥袖四十斤鐵椎椎殺晉鄙公子遂將晉鄙兵得選兵八萬進兵擊秦軍秦軍解去遂救邯鄲存趙趙王及平原君自迎公子於界公子至軍侯生果北鄉自剄

漢

河上丈人

翼城人明老子之術自匿姓名居河之滑陂號曰河上丈人又沃志作河上公今河上村

卽其隱居地也

魏

焦先

字孝然河東人中平末年二十餘避白波東客場州建安初西還留陝界十六年失家屬獨竄大陽

河渚間食草飲水無衣履結草爲裳縣常使埋藏疫病人童兒皆輕易之然先行不踐邪徑必循阡陌拮拾不取大穗饑不苟食寒不苟衣出見婦人則隱翳須去乃出自作一蝸牛廬淨掃其中營木爲牀布草蓐天寒搆火自炙饑則出爲人客作飽食而已不取其值常言草茅之人與狐兔同羣不肯妄語太和青龍中嘗持一杖南渡淺河水漲輒獨云未可也由是人頗疑不狂河東太守杜恕以衣服迎見而不與語嘉平中太守賈穆故過其廬與語不應與食不食明年大發卒將伐吳有竊問者先不肯應而謬歌曰祝馭祝馭非魚非肉更相追逐本心爲當殺牂羊更殺其殺雞邠人莫知所謂會諸軍敗好事者疑牂羊謂吳殺雞謂魏是後僉謂之隱者議郎河東董經密往觀之挑欲與語不肯應後野火燒廬因露寢袒卧雪中不移卒年八十九

前宋

關康之

字伯愉河東揚人僑京口轉僑南昌少而篤學姿狀豐偉與下邳趙繹友善特進顏延之等與

當時名士十許人入山候之見其散髮披黃布席松葉枕白石而卧了不相盼延之等咨嗟而退不敢干也晉陵顧悅之難王弼易義四十餘條康之申王難顧遠有情理又爲毛詩義經籍疑滯多所論釋嘗就沙門支僧納學算妙盡其能徵辟一無所就棄絕人事守志閒居弟雙之爲臧質車騎參軍卒於赭圻瘞水濱康之迎喪而病寢頓二十餘年時有閒日輒卧論文義宋孝武初大使薦康之宜加徵聘不省康之性清約獨居一室希見妻子絕賓客弟子以業傳受河南辛普明尤肖之善左氏春秋齊高帝嘗送本與康之康之手自點定又造禮論十卷高帝絕賞愛之宋太始初徵辭以疾

金

段恩

趙城人隱居南步里草舍三間鄉里莫覩其顏面敦武校尉仇絃悉其賢爲撰還塵巷記有碑

李壽

趙城人與申望偕隱立菴於永樂村衆仰其高號爲長髮僧

申望

趙城縣人與李壽偕隱

元

王邇

臨汾人隱於安邑博通經史精易象春秋累辟不就述東周四王年譜行於世其他文集遭兵燹無

存卒年七十四葬條陰之阜鄉人呼爲隱君

柴潛道

襄陵人博極羣書工於詞翰不樂仕進教授鄉間有古隱逸風號秋巖莊靖處士常集古詩一

帙名秋巖小藁行於世自稱柴道人

王勵

平陽人登進士第值亂隱居太清觀博覽多識狷介自守工詩書縉紳推重

喬世綱

靈石人登第後卽托疾告歸日課農桑絕意仕進有司累促之不起祀鄉賢

房灝

臨汾人號白雲子有詩名於時

卨惟寅

洪洞人性好逸隱居不出長於詩賦

張守大

號雲谷洪洞人元季天下大亂甘心卨壑不喜仕進隱於箕山躬耕自給博覽羣書以吟咏自

適善真草書尤長於大字詩文擅名於時冠蓋訪之不見也

楊統

號洪崖洪洞人值世紛亂讀書談道自樂不求聞達與張雲谷友善以詩文見稱於時

張容

號桂巖與張守大友善相攜同隱意氣相許詩與齊名時號二隱高士

明

趙需

太平人性穎能文尤長於詩甘貧樂道不求聞達名公咸推重之有司恒復其身

張堅

霍州人洪武間補郡庠生繼隱居崑谷時官屢強之使還不聽博洽羣書恬養終身識者高之

李德 霍州人永樂間嘗主州學師席與學正曹月川會請諸生稱為白雲先主居喪廬墓絕飲斷葷郡守

強之不從

趙士奇

字見泉襄陵諸生器宇軒昂倜儻不羈寄情山水詩酒間以善書名世雖貴顯者延接止一布

袍長揖遇大事敢言迂於當時嚴介溪聘入幕奇曰大丈夫豈爲權門作記室耶遂辭去

韓允緒

字元祚太平諸生居家以禮性樂施予知縣王化行旌曰恩覃梓里課三子入泮遂無心舉子

業與二三知己陶情詩酒有蛩吟雜著

張鴻飛

太平諸生淡泊寡慾日惟書史自娛別無所耽五十餘年足跡不履城市

徐尚賓

趙城庠生輸財濟貧拾金還主旣而厭世故甘恬退隱於安架山數十年壽幾百歲人以半仙

稱之

張闇然

字淡夫太平拔貢生少壯時意興豪舉讀書破

仕識者知其爲周

蓮陶菊間人矣

李珊

字玉卿號西野洪洞諸生少喜讀書隆冬盛暑不

輟足跡未嘗入公門韓忠定公器重之食餼年久

不第遂堅求恬退督學王岱麓先生爲之請給冠帶乃

終身不御結廬杜門不出二十餘年卽鄰右多不識其

面鄉評

高之

李鑛

曲沃人見人物文苑

左世嘉

字濟美號仰山洪洞人少孤而貧好學善下言

行毫不踰矩及補弟子員稱理學名儒縣令喬

嘉其才行敦請課子固辭復捐俸以成其搢又堅謝弗

納因旌之曰清修吉士會聘修邑乘論次多出其手嘗

讀易得願養旨居常爐香團坐屏絕世紛雖子登賢書

坦如也所著有謹信集要及讀書庭訓錄壽九十二而

終

侯甸

字田臣汾西人廩生其貧守道取與不苟逆闖渡河遠近望風迎降甸感憤陳大義於邑人不聽遂

哭孔廟中焚其衣冠杜門不出混跡農夫終其身同縣貢生王永年亦隱居不仕人甚高之

邢大道

字性之號少鶴洪洞人少穎悟好讀書長於詩賦遇景輒留題所著有白雲集二十四卷行世

歲已酉聘纂晉乘推重爲詞苑宗工歸而隱跡於長春塢杜門不出細帙自適時號爲隱君子

左立德

字完初世嘉仲子洪洞諸生克遵家訓潛心道脉談說性命窺先儒奧要生平著作甚富有明

儒理學編語錄左

氏庭訓後錄行世

杜駿者

翼城人進士芳之孫也幼業儒從河津薛文清公講受太極老而彌篤弘治間督學使王鴻儒

延請問體用一原顯微無間之旨以隱居稱

李生華

字就實號育春洪洞人髫年入泮才情疎曠嗜山水好吟咏購異書山房北鄰白雲巢少鶴山

人旦晚倡和著勝

遊寄興詩集行世

杜永芳

字華陽洪洞諸生僻處西鎮質朴端方一鄉善士詩書吟咏以終天年

秦邑岐

字端之曲沃舉人性恬退好購書畫法物以自怡悅著有備亡錄

李茂實

洪洞人崇禎庚午鄉舉闖逆威脇不應選試堅隱山谷

國朝

吉士

臨汾人少讀書明大義而雅嗜奇山水既長有文名同列咸斂手推避闖逆破平陽召試諸生授以

偽職士閉戶不應或以利害怵之不爲動後優游巖壑間以老


袁鏘珂

翼城人崇禎己卯舉人亂後遯跡家塾親朋罕覩其面曲沃賈漢復巡撫陝西過翼與珂有舊

登門弗見贈俸金亦弗受乃嘆息而去

王標 字爾瞻太平廩生恬淡寡營闢墅一區繙書種藥坐卧其中者三十年所著有牖下十書等集藏於家

衛蒿 曲沃人見人物文苑



平陽府志卷之二十五

列女

古者閨門之內習壺教識道理鍾禮郝法類皆有士君子之行焉彤史所傳不專以節也女以節顯其亦大可悲已平郡俗重廉恥閨多貞烈或致命以遂志或茹荼以撫孤甚且無孤可撫而獨且飲泣此身一息未盡則夫祀一日尚存其志更有可悲者纂述所聞名教關焉豈直爲巾幗勸哉作列女志

臨汾縣